

高安縣志

高安縣志

高安重修縣志序

予始蒞瑞之數日卽廣蒐志乘以考求利病而郡志多漫漶不可讀蓋廢不修者已久旣高安以所纂新志來上並請序予以建置沿革風土人物體例之謹嚴紀載之精密前後序列詳矣何待贅且予不敏方坐享其成而更襲其美不可固□不獲已乃受而讀之乃知自明以前縣志悉統郡志自明以後郡志多附縣志而其廢興半繇於賦役始以同害而相戒繼以同利而相爭幸事久論定可以合好掩惡盡釋其爾疆我界之思竊冀斯志有成而郡志亦從可藉手也夫瑞所領縣較少於各郡而高安壤光下則無新昌竹木之饒無上高茶葛

高安縣志

卷首

序

一

之利自明初疲於供億舊編三百餘里逃亡幾半守令多以缺額被議及予一麾南出則聞瑞州奏課恒爲西江最高安又恒爲瑞屬最今觀其平居家絃戶誦鮮時俗驕奢馱馱之習一旦運丁陽九而慷慨激烈志切同仇下至閨閩節義不可勝書豈今昔人情獨殊哉蓋明祖憑僞漢守將劉伍倍借之冊取濫征爲正額其後浮糧之害遂與一代相終始雖叩閭請命至再至三均格於成議因循未改逮我

朝受命與民更新大吏一言而汰浮六萬有竒民乃得鼓舞更生於光天化日之下迄今井里桑麻戶安耕鑿夫孰非

聖聖相承敬天命而恤民隱之所致也縣志始宋元前明未敢
輒更僅撮其大要彙載郡志中至

國朝而修者凡四士生其間得以徵文考獻具知服疇食德
皆有自來相與父詔其子兄勉其弟期以酬二百餘年
休養生息之恩奉戴尊親永無暨極豈惟一邑之幸抑
亦官斯土者之幸也今高安旣勒有成書聞上新亦留
心采緝予嘗以奉檄招安過其地見其山水之秀異
聚落之殷繁因與邑中人士講求禦侮之略皆踴躍爭
奮卓然有古國士風則其宣德抒情必能脫去形骸之
見而同歸畫一無疑也予方從事於郡乘之役庶幾二
三同志匡所不逮俾克有成是亦先河後海之義也夫

高安縣志

卷首

序

二

賜進士出身瑞州府知府前翰林院庶吉士加七級紀錄五

次楚北黃廷金譔

重修高安縣志序

高安附瑞州之郭舊無專志統於郡志以爲志自康熙辛亥邑令張君理菴始成是書三次增修而至道光甲申典章文物燦然具備矣咸豐癸丑之後粵逆搆亂邑遭寇擾版毀於火是書僅有存者今中丞劉公以兵威盪平洪楊餘孽比戶晏然民得安其耕鑿於是武功旣畢文教聿興將於省志集其大成先飭各屬纂修邑志余適捧檄權守是邦與邑令夏君謙甫張君南池延邑紳而商之曰邑之有志固所以知山川之阨塞疆域之廣輪戶口之盈虧建置之沿革而至如忠義之氣奮發於閭閻節烈之風堅定於閭閻尤宜隨時隨事大書特

書以爲世道人心之勸舊志流傳漸少文距今四十餘年不及今蒐輯表章後將有傳聞異辭者諸君其留意乎言未畢邑紳合詞進曰夫遏惡揚善者官吏之權顯微闡幽者鄉鄰之責高安雖僻壤而靈秀之所鍾毓教澤之所涵濡氣質之所稟承習俗之所敦尙往往清風亮節足以興起後人兵燹之餘尤多卓卓豈特賢士大夫之學問經濟文章足爲簡策光微公言固將編集成書接續前志况重以中丞考獻徵文黼黻隆平之至意乎由是設局北城之大觀樓前雲南方伯蕭公薌泉前浙江司馬熊公子容總理其事而孝廉明經學博某某或集貲財或司采訪或任筆削或主校刊不數月而蔚

爲銀觀較前志益爲詳備後之覽是志者流連遺事景
仰芳型庶幾革薄從忠愈進而愈臻上理則此志之有
裨於世道人心者豈淺鮮哉書旣成爲敘其緣起云
賜同進士出身署瑞州府事候補知府孫家鐸撰

重修高安縣志序

庚午之秋余銓選高安冬月既望抵省卽聞 峴莊中
丞聘延此邦之碩學者彥設局會垣重修省志茲飭各
郡縣一律纂修垂不朽之業成一代之書第省志本於
郡志而郡志又基於縣志則縣志所關顧不重哉高安
爲附郡首邑距省較近余於燕見 層臺時蒙述及志
乘一節余不敢罔對唯唯而退迨臘月中浣捧檄之任
未一旬而局紳以縣志業已告成請序於余余自維謏
陋又甫莅斯土一切尙未周知何敢率爾操觚爲識者
笑辭之不得乃受而讀之始知高安邑志成於我

朝康熙辛亥一修於乾隆乙亥一修於嘉慶丙辰再修於

高安縣志

卷首

序

五

道光甲申迄今已越四十餘年又屢遭粵逆之擾而忠
孝節義之流指不勝屈若使湮沒無聞何以發幽光而
彰潛德茲極詳博稽訪之勞自無遺漏疎略之弊更喜
其間宣揚

聖德辯章舊聞科名文物俱布列於目中名山銀川悉盧
牟於掌上既徵文而考獻復爰古而証今微特郡志省
志獲有叅稽卽風俗人情由此蒸蒸日上理斯固
地方之幸亦守土者之幸也爰應局紳之請遑計詞之
工拙聊叙片語於簡端

同治十年歲次辛未正月吉日知高安縣事長白德海
撰

高安重修縣志序

己巳冬捧檄來宰高邑適 峴莊中丞方雅意志乘延
四方文學耆彥會省垣草創討論微顯闡幽以成不朽
之鴻業甚盛典也顧省志之修綜乎府志而尤基於縣
志者也縣志缺如則省志府志皆苦於無所特循是督
修尤不庸弁髦視也余自下車伊始卽索邑中舊志細
加坡閱計自康熙辛亥起道光甲申止是書之費編輯
者前縣已經四手矣刪訂愈久則考覈愈精凡賦稅之
多寡人物之興衰以及山川井里之名稱忠孝節義之
懿美靡不鱗鱗炳炳照人耳目增無可增減無可減一
仍其舊而已獨是甲申以後斯志之不修迄今已四十

高安縣志

卷首

序

六

餘載而自粵匪倡亂以來兵燹頻仍高邑之被蹂躪者
蓋滿目依然瘡痍也其間死節之婦女赴難之孤忠足
以輝閭里而光史冊者指不勝僂若弗及時采訪壽諸
棗梨久將文獻無徵至與敝瓦頽垣荒烟蔓草同其埋
沒後雖有嗜奇好古之士欲網羅舊文以成一家之言
而搔首踟躕茫無依據其零落不良可悲哉余嘗西至
鐵山探錦水之淵源東游松湖窺升平富城之接壤南
眺望於曲水而識清江之衝要北履巒岡枯竹均而新
吳山水之秀美又歷歷如在目前矣詢諸父老所傳堅
貞大節與夫一二軼事類確有所見聞足以信今而傳
後歸乃與同事諸君子詳加參定薈萃成書庶他日輶

軒采風得以補

國史之不足而省志府志卽由是基焉所係豈淺鮮哉功
既竣爰畧序其顛末如此

賜同進士出身署高安縣事卽用知縣張鵬翥撰

高安縣志

卷首

序

七

重修高安縣志序

高安自國初始有志越百二十餘年而三修又越三十年而四修時惟道光甲申蓋奉程月川中丞檄也後二十年吳文節公巡撫江西以省志修於雍正間已踰百年乃再開局會城檄各郡縣以次編纂書未上而文節移撫浙江事遂寢高安亦中輟詎百六陽九之運雖省會瓦全而十三郡一州之屬鮮有完郭於是文字之厄遂爲燒劫之灰同治己巳夏月今中丞入覲歸始再開省志之局會變承乏高安乃開局縣中延蕭薌泉方伯熊子容司馬主其事而子容以爲是役也空言考證不如實事勾稽蓋自兵燹以後凡城池廨署之遷移職官科第之先後名宦鄉賢之舉報節孝義行之旌揚卷宗旣已蕩然湮沒誠爲可慮至於人物一門則忠義節烈先後如林若使潛德幽光偶有遺軼如劉道原所譏五代史不爲韓瞪眼立傳以爲二等文字者毋亦後起者之責歟爰綜滙全書都仍舊貫而四十餘年之紀載必使事覈言詳毋遺毋誤於以徵一邑之文獻備省志之叅稽變雖不獲竟其事而竊幸覩其成也遂不辭而序其緣起如此

誥授奉政大夫同知銜江西永甯縣知縣前署高安縣事當

塗夏燮

原序

邑令 高以本

凡名都勝區莫不有志最遺者可推之千百年冊盈數尺焉高安卽古筠州稱西江道院於浮糧旣汰之後幾二十年至

國朝康熙辛亥而邑志始成乾隆乙亥修之嘉慶丙辰修之百二十餘年冊亦衰然鉅矣以茲溯丙辰又將三十年再修之當去其所不必存否則分爲舊新兩志庶於後先異宜今昔殊制之道得詳哉言之耳余際開志局承乏一年知邑事未周與同事諸君子議悉仍舊例有所增列之各卷末惟三十年間之敦行文苑宦績閩範四卷另置一冊於以示獎勵焉地當瑞郡首邑經涂下

高安縣志

卷首

原序

一

壤戶鈔蓋藏而賦助無越歲之征官吏免催科之考其所以樂更生急公

上者垂百七十年蓋自元明三百年後呼籲無聞顛連莫告之苦一旦汰其浮而安集之感

王政之至仁俾瘠土之民向義也夫以我朝

列聖相承免正供者百千萬億薄海內外布赤輸丹已百八十年矣敷天咸慶奚獨高安而高安因久困而得蘇邑志亦久廢而始作然則斯志也實爲我

聖清億萬斯年紀

恩之典冊而余於斯志亦第爲食舊德服先疇者無忘百五十年前作此之意云耳至於斟酌損益因時制宜以俟後

之君子

郡守 劉登科

古者分疆畫里而樹之邑凡戶口田賦民風土俗悉載諸版故司徒獻籍天子拜數以登誌顧不綦重矣哉周制四百爲縣正秦以萬石爲令漢因之迄北齊則有中下三等之別然郡自爲載邑自爲紀蓋以一邑中則壤之高下民數之登耗風習之醕靡地產之礲腴人物之臧否皆於邑乘是徵高安當江省上游隸於瑞郡爲首邑予按西江府屬十有三而縣無如瑞之少者州縣七十有八而糧無如高之重者甫涖任卽索縣志閱之僉曰縣志統於府集中噫國有史家有乘而邑安可無

高安縣志

卷首

原序

二

志哉雖然史有闕文原以徵信高邑之所以闕志者非闕志也以前此賦浮於額耳田賦關國本之重一日苟且成書久之遂爲不易之規故與其賦未定而按籍傳訛曷若浮旣汰而畫一垂令也此昔之官吏紳士有志未逮坐是故耳而今何厚幸哉予下車未幾卽爲筠民慶更生然

聖天子清問下詢恩出尋常蠲除之上而伏

闕陳情使兩郡疲困顛連之狀得以

上聞則右藩 莊公僉憲 安公之力也兩覲臣伏蒲懇切

何減一幅流民圖然未出章門已辦入

告之謨矣筠民之於二公何厚幸哉夫高安則壤下矣童山

石田不兩則旱稍雨則澇即使復實額之五萬七千餘石猶是以瘠當肥安能堪此六萬一千四百之浮哉故浮既汰而生斯土者可無轉徙流離之苦官斯土者可免罪誤下考之書由此生聚既復人文益盛予偕張令適官於筠獲與民更始亦何厚幸哉雖然高與新俱予屬邑高安額糧五萬七千二百有奇減浮六萬一千五百餘新昌額糧三萬七千九百有奇減浮一萬八千餘被

恩之日各 上憲詳考宋元編冊計以江省全書合之本府郡志照額減除爲至當不易之舉在大父不忍偏累其子豈忍肥瘠於高新哉新人謬執邑乘曲爲較量豈鹽

高安縣志

卷首

原序

三

邑有成書而府志省編非信史乎夫三邑中幅幘之小惟正之艱莫如上高何敖人獨垂首緘默歟今奉行既久合應載之志中以垂不刊至於風土文物差徭雜編在前者悉倣郡志將來者博詢輿論予樂其志之成因士夫之請敬弁一言以見三百年未究之澤

世祖章皇帝徧其德數十臣屢疏之請 安憲臺集其成斯志不朽流風餘韻方與碧山等高錦水等長後之畱心民隱者將有感於斯文

龔其裕

周禮邦國四方之志各有專官故自職方氏而外或掌之小史或掌之外史蓋綦重也嗣後秦置郡縣疆里之

制愈分而版籍圖書亦因之大約郡隸諸守縣隸諸令古之志合而今之志分合則簡分則詳其勢然也獨是郡縣分矣而縣統於郡郡丈統於省且有天下一統志以綜之亦猶王朝小史外史之所掌也則雖分而未始不合憶予戊申夏奉

命分佐筠陽至之日卽索郡志觀之見其風土人物犁然可攷竊謂三邑之志盡在是矣而止於崇正改元又私以爲新志之續非郡太守莫任歲辛亥高安張令適有縣志之舉其亦由合而分之意乎夫高安於筠爲首邑前此志附於郡厥義從簡張令慨然舉之俾一縣之蹟畧者詳缺者補甚盛事也書垂成而太守劉公爲之裁

高安縣志

卷首

原序

四

定焉示有統也抑亦分不忘合之義也予維郡縣之有志猶國之有史史記天子之言動志則一郡一邑之沿□利病史之義例有編年有紀傳志則山川土俗而外上及星野下及物產蓋史從其鉅志不遺其細史從乎尊志不畧乎卑固相表裏也雖然以才如昌黎而不敢以史爲任則何其難危素修元史每令老軍談遺事而志之又何其易爲難爲易亦各有所衷矣志豈異是哉今高安之志遠者取諸郡乘之編輯邇者徵諸見聞之傳信其間參舊掇新偕諸士大夫折衷於難易之故者蓋不知凡幾時予適代

覲入都未獲炙其比事屬訶之盛旣歸披其書覩其顛末未

嘗不歎 太守劉公之與張令相與有成以勒是志也
今日者

天子方命儒臣纂修史書而此其史館參稽之一助矣抑聞
之祭川者先河而後海筠郡志創於元至治之年終明
之世僅再修焉 太守之襄是志也殆亦與之爲權輿
歟予不敏謬道其郡縣分合之說如此

邑令 張文旦

郡邑之有志國之有史相爲權衡者也志昉於禹貢史
統於春秋志分而史合之志繁而史約之一代之志千
秋之鏡也漢蕭相國入關先收圖籍不綦重哉

今天下車書旣一海宇又安郡邑之志所在修輯予承乏茲

高安縣志

卷首

原序

五

土受事之初徵其志而弗得一切事例僅附見於郡書
又自崇正改元而止戊辰以後未之及焉卽山川弗改
城郭依然而六曹因革漸非其舊他不具論如田賦爲
國家根本高安浮糧之累受困幾三百載屬有天幸恭
遇

世祖章皇帝訪求民隱

莊安兩

覲臣得以繪圖入告遂邀

俞旨從實起科此亦古今來莫大膏澤也而按之郡書浮額
未去是猶絃已更而尙聽往者之音轍已易而仍尋當
日之軌也可乎哉乃集邑紳士而謀之曰高安數百年
無志缺事也盍補其缺諸君曰然前者汰浮之日 中
丞蔡公檄瑞袁二屬修定志書緣勞只之民瘡痍初起

朝奉而夕莫之行是用滋懼侯之創始吾願也敢不拜命因開局城南之文昌宮屬諸生陳子九疇鄒子篤生胡子惟聖陳子之璠胡子士璘分曹編輯紳先生經里之予於簿書之暇憑几而簡閱之提綱揭目諮故採新畝課他邑所同而汰浮高安所獨也前此里民三叩闔撫按兩臺連章請

命者不知費幾許汗血矣是不可以不悉也忠孝節烈邦之德產也往有芳規必取而表彰之本諸與人爲善之意以示勸也是不可以不核也他若官制典禮兵戎食貨建置之類或革或因一本郡書畧者詳之佚者舉之訛者討之期於昭往憲來闕疑傳信而止書旣成諸生前

高安縣志

卷首

原序

六

而問序予曰一代之志千秋之鏡也子言夏殷之禮而曰杞宋無徵夫非文獻之故哉文者志也文在卽獻在後世之所徵者文而已矣今爲汝邑補數百年之缺而一編之中舊德

新恩先疇故俗犁然在目後之覽者於質文升降張弛損益之旨因事而尋求之是吾之志也夫是吾之志也夫

廬陵

張貞生

今上親政之年乾健功成人文化洽爰命儒臣遴員開局修世祖實錄暨前代史書

□下各省會郡國蒐採遺編用備參稽猗歟盛哉時高安邑侯考城張公理菴甫下車諮利弊急索邑乘觀之鄉士

大夫無以應者因慨然謂西江七十二邑各有志獨高
□無志則上無以備太史之摭採下無以資司土之折
衷冊籍罔徵版章何考纂輯流傳伊誰之責於是訪耆
英禮儒碩分曹紀事比類屬詞未幾書成鄉士大夫羣
稱快而屬序於予予曰郡縣始於秦後世相沿由三十
六郡爲百有三爲十五道爲四十軍州疆域廢置漸拓
愈增而地理志一統志省志各郡邑志亦因之代有修
輯藏諸官府凡星野之分隸戶口之登耗壤田之上下
習尙之淳漓人物之盛衰無不綱舉目張開卷瞭然使
官茲土者獲以據古參今救弊補偏產其地者藉以斟酌
酌時宜矜式儀型而

高安縣志

卷首

原序

七

朝廷之觀風問政黼黻文章將於是賴志顧不重哉高安
故豫章望邑賢哲輩出歷數百年志書闕如豈前此司
牧俱傳舍視其官而前之薦紳先生類多君子獨不能
請之有司以章一方文獻而相與傳不朽盛軌乎曰非
也蓋地方之修志與

國家之纂史固需其人尤需其時

國家非禮明樂備文教聿興之時則石渠天祿不能得之
作述憲章以昭一代之盛地方非政理人和沴消化洽
之時則撫字催科亦不暇考之耆舊典故以輯一邑之
書考高安自明初有黎伯安以僞漢守將劉五所徵正
副米數妄報邀賞遂爲定額賦重幾倍宋元後雖覺發

伯安伏誅而版籍先定究不可更中間民苦追呼挺而走險華林盜起郡邑騷然舊編三百餘里逃亡幾半官司束手雖連章累牘以請無救科則偏重以故終明之世雖膏澤遍寰宇而茲邑獨不免賠賊之苦向隅之悲後鄉民王乾及彭惟先等兩經籲

闔此各郡邑所無之事而高安百姓獨不憚走京師瀆天聽豈得已哉使當民命重困民情不安遂行因陋就弊纂成邑乘則志中所紀田賦爲先按籍而徵終且爲害不如俟之請

命乞

恩於賦額既定之後則釐弊復古更新垂違勒而爲一日之恩於賦額既定之後則釐弊復古更新垂違勒而爲一日之

高安縣志

卷首

原序

八

書久而遂爲百代不易之規今幸矣今際其時矣我朝鼎定與民休息順治六年

世祖廷見覲臣諮詢地方疾苦惟時右藩 莊公 僉憲 安

公遂以袁瑞浮糧病民情由上請復經撫軍 蔡公題覆隨奉

俞旨着從原額清汰毋得踵弊混徵有辜德意而高安一邑乃以數百年之積困一旦獲免數萬石之浮糧一時奉蠲立脫湯火道里懽騰且也西江先是遍地戎馬而高安以道院福宅獨不受兵前此不無胥吏爲奸弄法舞文今則郡伯君遴劉公邑侯理菴張公飲冰茹蘖焚香告天澄清釐剔羣樂更生高安之民何厚幸哉旣不受

兵燹之加又奉蠲歷來虛增之稅且一時而值兩福星
同事一方際會之隆今而後可以鳴盛可以登志此邑
侯所以惓惓於志之修與邑中賢達相與鼓舞贊成不
能自己也獨是邑之昔年雖賦額不清閭里空虛而山
川所鍾篤產哲人若潛虎眼陳半升吳文端范光祿諸
公氣節文章光昭天壤則今此遭逢

盛世汪濊普沾民無偏枯之怨官無司牧之憂士朴農愿戶
誦家絃觀摩砥礪應運奮興以爲志書光者當倍於前
則吾今日之序盛事以傳來茲鳳山錦水之間固當與
諸君子稱喜又何能不與諸君子交勉也哉

邑人 熊坊

高安縣志

卷首

原序

九

嘗考周官詔小司徒稽籍而書之於版以登天府稽之
爲言志也無志則散散則人各行其私稗官野乘得出
而糾其議煩猥失實之所由誚也是以先王章之於國
則曰史遍之天下則曰志志其地志其物志其人邦甸
家稍之所由區幣餘財賄之所由覈忠佞淑慝之所由
著志之而有所繫無所慝志之而多所勸多所懲類物
以綜事集事以立法法立則統有所屬而人不亂邑大
夫藉是與君若長佐天下而聽政者此也今之邑視古
爲子男國若建隸三百餘里於江右爲伯國數百年竟
缺專乘非上之人不率爲修明抑亦民勞實甚殫地出
而不給也建瘠壤也山無毛樹無衣民積困於虛賦是

以故牆高新牆卑夏復冬絺所在如是乃其太古遺風
猶存朴畧父教其子兄勉其弟耕桑而外祇有誦讀卽
子弟之不能爲士者亦以一藝自業謹身率法不敢爲
非雖寒峻窮簷展轉溝壑不忍逋賦以累慈惠之長瘠
土之民嚮義其建之謂乎厯稽往牒名賢輩出揆藻木
天者若而人宣麻掖省者若而人賦政藩撫者若而人
至風烈所著拒婚忤相者有之矣批鱗碎首者有之矣
長揖侯門百里上書累危詞而續編於蔡澤者有之矣
至鼎革之際萑符陸梁稱兵山谷義夫烈婦誓不屈辱
六月冤霜飲泣於寒烟衰草以待闡幽者更復縷縷諸
如此類簡不勝書書其一二以誌激勸廉頑立懦聞風
而淑世未必不在茲也所幸邑侯張公以博雅名儒嘉
意蒐輯毅然以修明爲己任余時待罪毘陵未獲與校
閱盛事至聞斯舉不勝欣躍以爲徵檄校讐揚挖而飭
厲之得荷郡大夫畱意者斯誠建之千載一時也古者
史佚居三公之次博文強記備天子遺志其在邦國咸
有記言記事之職郡邑之志夫亦猶是也乃史之最弊
者莫若穢與畧佞與謗夫穢畧祇郟於才而佞謗則累
夫德矣大夫君子溫而理以忠厚長者之意秉董狐史
黯之筆諸家之累吾知其免矣異日者有事起居注編
年實錄肆力於三長余又將拭目俟之

高安縣志

卷首

原序

十

昔者先王建國詔地事則有圖詔觀事則有志比生齒則有籍所以能周如九州封域與夫人民之數後世撮其大要萃爲一書漢之郡國志唐之十道圖宋之九域圖元豐九域志邑志何昉乎蓋昉是也高安於漢爲建城縣唐武德五年改今名仍於縣立靖州續改米州又改筠州八年州廢以縣屬洪州南唐復屬筠州宋寶慶間改筠爲瑞明爲瑞州府縣仍舊

國朝因之其地山水秀麗鍾毓逾常以故聲名文物盛於江右晉則有黃萬碩唐則幸南容沈子美宋則劉凝之道原壯輿家學相承胡少伋陳致廣幸震甫胡從甫其較著也明則楊伯玉吳文端王槐亭范國士傅仁泉朱朝徐敬齋朱文端陳木齋輩代不乏人蓋

高安縣志

卷首

原序

十一

諧卿我

國家承平百有餘年矣重熙累洽久道化成高邑密邇省垣風教稱善其君子禮讓廉謹沐于詩書其野人樸嗇節儉習於勤勞殆庶幾北戶可封者與司斯土者按山澤而識虞衡之利閱城堡而預繕守之規算戶口而思富教之猷觀風俗而酌寬猛之宜緬人物而切景仰之慕皆莫要于志固不僅攷山川之勝蹟侈典故之搜羅已也舊志剏修于康熙辛亥續編于乾隆甲戌越四十餘年癸丑邑宰培峰俞公疊奉上憲檄飭纂修乃集邑中耆宿及子衿之通敏者設局于城南之禪那寺相

與釐討編次其間因革損益均經手定越乙卯秋培峰
以護江州司馬篆去楷奉檄代理欣然樂董其事培峰
極贊在局紳士潔已辦公不辭勞瘁將未脫稿授余余
受而讀之見其條分類繫不蔓不支較前志已爲周密
茲復細加考証析疑定舛折衷以歸至當所謂始事者
職詳而繼事者職要是也此邦人士生當

聖

聖相繼之世禮陶樂淑沐浴涵濡知必有踵前徽而爲

大廷獻瑞者其於邑乘不更有光乎爰掇片言以弁端簡

郡守 陳士璠

邑之有志所以紀版章攷人物識興廢察盛衰也

高安縣志

卷首

原序

十二

國家命輶軒採風問俗不越乎此而蒞茲土者社稷民人
田廬城郭皆於是乎在尤不可不加之意焉高安爲西
江上游屬筠州首邑昔困於元末之浮糧又擾於華林
之兵燹其地之敝劫民之凋瘵亦已甚矣所幸家敦禮
讓戶勉詩書醅朴之風猶存古處間有一二蠢愚相尙
以氣質此亦所稟則然而不爲敗壞也況山川之秀麗
毓異鍾靈由前而觀其人文之雋偉政績之恢宏與夫
清標令望卓卓人寰者指不勝僂卽至閨門女子亦多
秉節烈而樹芳型我

朝以來漸仁摩義雨露甄陶朴者安於隴畝而秀者起於
膠庠甲第綿延勛猷燦著爲

當代之柱石者不乏其人焉於乎盛矣顧此前未嘗有志多附於郡康熙十年辛亥始輯邑乘迄今又幾百載夫水閱水而成川人閱人而成世事每因於所積而境亦隨乎其時或沿或革不一轍也或損或益無定程也剏者因之荒者啟之廢者補之闕者增之其遷流變易曷有常哉余自壬申秋杪下車知奉 黃制府檄下江西廣開志局邑乘之修已越有數年其時邑令主其事而邦之大夫君子共相纂輯余得樂其有成覺向之因陋就簡者至於今大備此固採風問俗者必將藉此以觀其畧而涖茲土者尤當究心於此以勵其成也從此政洽時和民誠物阜化其弊而進於醇則駸駸日上其所

高安縣志

卷首

原序

十三

以爲邑乘之光者甯非有司之事歟

邑令 聶元善

豫章之建城古稱風俗茂美士醅民良忠孝節義之文章爾雅之材彰彰史冊代不乏人無煩馴擾最爲易治故有江西道院之名疇昔欣幸以爲天下盡如斯邑於以臻道一風同之盛夫何難哉歲庚午赴銓部謁選果得是邑而官之方幸奏績有時不至美錦未學操刀未能有愧交母斯民之望迨仲冬抵任甫下車諸紳士以次進賀皆魚魚雅雅絕無矜張躁厲之習周回城廓人民輻輳見夫居者行者商者旅者各安常業鮮出位越畔之謀風俗之美實

聖天子重熙累洽之化使然舉昔所得諸耳熟者目擊之而知黃魯直之賦非虛語矣諸紳士爰進而請曰昨歲奉制臺黃公檄州縣纂修志乘以待他日太史輶軒之採甚盛典也夫建城之有志乘昔統於郡乘自康熙辛亥年始創邑乘流傳歲久殘缺漶漫十居四五及今不修日復一日正不知補葺於何時茲以亟待纂修之時適遇制臺檄諭何事之若合符節有如是之美耶但不得統理之有藉以本邑之人而成本邑之書使各執己見終貽築室道謀之譏徒使觀望有人告成無日公其爲合邑主其事庶幾如網之有綱裘之有領舉而措之罔弗就緒予愧二酉難窮三長未備一行作吏拋荒筆墨安能從簿書鞅掌之餘旁及廣稽博訪兼以旱疫頻仍覩蒸黎之困苦方謀撫字之未遑奚暇他務閱壬申歲大有四民樂業志乘誠邑之鉅典不可不修予爲初定章程衆紳士各殫厥長井襄協贊合康熙辛亥前後事之旣登者莫不備具事之待續者莫不搜羅訂訛補缺無徵弗錄無美弗揚變其義例視舊志尤爲加詳覺忠孝節義之事文章爾雅之材盛于昔者復盛於今後先輝映如出一轍厥功偉矣厥任宏矣俾後之覽者得以有所考證闔邑之幸抑宰是邑者與有榮焉矣

吳志例言

查高邑前明無志一切事宜附載於郡志內耳自

國朝康熙辛亥邑令張君文旦倡修縣志而書始成迄乾隆甲戌聶君元善重加修輯而書再備今仍舊志增損分合稍有不同非示異也類由義起名求其當而已

一星野舊志編入疆域未免從畧茲依通志列爲首綱卽以星野系之崇天文也其度分秒忽先儒辨論棼如本難細剖姑仍前說以志大端

一疆域所載里居聶志表而出之其間尙有遺漏之處茲以區統都卽都分畧里居以次毗列於下與兩城里居均得瞭如指掌而沿革一條移入建置較爲合體

高安縣志

卷首

例言

一

一鄉賢舊載人物志首今移列學校從專祀也名宦本列秩官今因之惟崇祀所加仍列名於學校非重見也例得與鄉賢並列也

一兵防所以戒嚴舊志第列其武秩源流汎弁兵目及驛遞夫馬等項而古者寓兵於農之意尙少指陳茲增民兵保甲附之

一現在名公銀儒勲業文章正未有艾自不得遽行立傳其應立傳者當以論定之後爲斷

一文苑宦績敦行隱逸本列專條間有移動之處悉按其小傳編歸各門以免淆紊

一女德不盡於節烈舊志統名閨範今仍之其已 旌表

者自應彙入未經呈請而堅操苦節年例已符亟宜蒐載以表幽潛

一藝文各有體裁時代亦有先後統而紀之未善也茲別疏記序賦爲一則雜文爲一則詩章爲一則又按世代以爲編次眉目較爲朗然舊載篇什無關邑乘應行刪節至當事詩文必有繫於風化往蹟者採而補之餘可不錄

一古蹟間錄郡事以高安爲附郭首邑故舉瑞芝堂綠筠堂之類叅而列之凡以志勝也其所增本邑舊蹟悉憑通志府志採入非由臆度

一舊志無雜記一綱如祥異列於疆域義塚人於建置殊爲失體茲移祥異與仙釋方技及遺文之散見者彙爲一門而以義驢塚附之是亦不擇細流之意耳

例言

一縣志創自康熙辛亥嗣後遞有增加雖不無蕪累而體要具存由舊不愆無庸輕議更改

一星野山川終古不易疆域形勢並無增減惟里居坊第間有增添核實列入至若陂塘隄岸概循舊迹一不加增

一

聖朝薄賦輕徭猶復連年

予蠲

予緩薄海共戴

深仁而高邑自

高安縣志

卷首

例言

一

國初卽偏受

恩施故叙次最詳今不敢輕易一字

一學校近年祀位日增謹詳考檔案臚列無遺

一兵防舊志但言營制□遵省志例加兵事一門自歷代用兵至近年粵匪愼求傳信私家紀述一字不敢妄登

一高安爲附郭首邑郡官治所秩官例應詳列舊志偶遺茲特蒐采補入

一人物各門舊志所有者仍之舊志以後者分門續入特增忠義一門因時也

一選舉各門悉仍舊例按照科分續增舊志自唐至元題曰制科名實稍有未符以其相沿已久亦仍之附以選

舉考明以來取士之制略備封贈蔭襲均仍舊章但分
覃恩請封捐職請封爲二門較爲明晰

一藝文最易濫收茲甄錄維嚴各詩不增一首仍循照新
定通志凡例具列書目冠於各卷之前

一古蹟悉仍舊志雜志內祥異拾遺隨事核補不敢率臆
妄登金石一門境內所無不敢影撰

同治庚午年重修邑志姓氏

主修

署瑞州府知府卽補知府 孫家鐸

瑞州府知府 黃廷金

欽加同知銜署高安縣知縣永甯縣知縣 夏燮

欽加同知銜署高安縣知縣卽用知縣 張鵬翥

欽加同知銜高安縣知縣 德海

纂修

前浙江補用同知 熊松之

前雲南布政使 蕭浚蘭

前掌湖廣道御史記名繁缺知府 彭桂馨

高安縣志

卷首

一

分修

署弋陽縣訓導舉人 金鎮濤

光祿寺署正銜加二級候選訓導優貢生 熊希言

樂安縣教諭舉人 朱舫

候選教諭舉人 朱苕文

候選教諭舉人 陳丹書

舉人 孫綸

舉人 鄭道馴

舉人 吳禮耕

舉人 彭琨生

候選教諭舉人 曾鐸

候選知縣舉人鄭樹滋

舉人劉昕

舉人何際翔

舉人黃大亨

舉人鄧其昌

議叙五品銜候選訓導熊藻華

例封五品銜郡優附貢生胡照旭

兼襲騎都尉邑庠生朱衡

道光甲申年舊修邑志姓氏

知縣 高以本

邑紳士熊如澍 徐 驤 吳層雲 吳凌鳳

胡兆先 賈麟書 鄭亢禧 席榮暉

傅紹祖 徐 鼎 陳致中 熊友稷

劉縉元 陳 寅 吳士儀 廖功泰

皮 愷 幸鳴珠 皮起鳳 童 冠

黎錦章 常泰亨 熊如涪 彭 梅

吳日新 朱國珍 彭 熾 徐 驥

嘉慶丙辰年舊修邑志姓氏

知縣 俞聖基 吳 楷

高安縣志

卷首

邑紳士王茂煥 吳佩蓮 吳斗輝 朱蒙恩

熊中達 熊定飛 陳 霖 吳孝翼

童星輝 汪 雲 王步衢 李含英

吳 榛 常珍元 吳 訓 徐承尹

戴 仁 歐陽峒 吳鍾岳 吳層雲

熊如澍 吳奕輝 姚五鼎 梅文經

王景訓 傅立德 陳 炳 熊 卜

陳仁榮 吳棐龍 朱詔爵

乾隆乙亥年舊修邑志姓氏

知縣 聶元善

邑紳士朱必堦 吳學瀚 徐濟言 朱之元

劉發純 陳韓文 徐業 陳規中
鄭槐 胡楠 陳遠新 吳霽
武功 李鎮邦 劉榮質 姚幟
熊學淇 傅廷榦 廖琛 熊定求
徐凌雲 王洛 姚紹元 毛世泰

康熙辛亥年舊修邑志姓氏

知縣 張文旦

邑紳士汪毓珍 胡起龍 徐遷 徐珩

李文燦 楊一璫 朱珊 劉其澍

鄒嶧 楊錫 劉九嶷 陳九疇

鄒篤生 胡惟聖 陳之璠 胡士璋

高安縣志目錄

卷之首

宸章

繪圖

圖說

卷之一

星野志

卷之二

疆域志

形勝

區域

風俗

物產

卷之三

建置志

沿革并表

城池

署廨

坊第

卷之四

山川志

山溪

岡池

嶺井

石水

峯橋

洞渡

江陂

塘湖

高安縣志

卷之首 目錄

一

卷之五

戶役志

戶口儲卹

丁徵減浮

畝課呈上

歲蠲

倉帑

水脚

卷之六

戶役志

減浮疏呈下

附定案

附浮額

卷之七

學校志

學宮學田

廟祀位數入學額

釋奠禮樂名宦鄉賢祠存貯書籍書院壇廟

卷之八

秩官志

知縣典史

教官名宦

訓導

縣丞

主簿

巡檢

卷之九

兵防志

兵制

兵事

卷之十

選舉志

制科

進士

舉人

卷之十一

選舉志

貢生

武進士

武舉

卷之十二

選舉志

荐辟
職銜

援例
武職

吏員
移籍

卷之十三

封蔭志

封爵

封贈

捐封

蔭襲

卷之十四

人物志

理學

宦績

卷之十五

人物志

宦績

忠義

高安縣志

卷之首

目錄

卷之十六

人物志

文苑

卷之十七

人物志

敦行

卷之十八

人物志

敦行

隱逸

流寓

卷之十九

人物志

閩範

卷之二十

人物志

閩範

卷之二十一

藝文志

恭錄四庫所收遺書御試策庫應制跋

遺書目錄子奏疏

卷之二十二

藝文志

記

卷之二十三

藝文志

記

卷之二十四

藝文志

記

書

卷之二十五

藝文志

表傳

賦狀

啟頌

序

哀辭

誌銘

祭文

卷之二十六

藝文志

詩

高安縣志

卷之首 目錄

三

卷之二十七

古蹟志

城祠

廟堂

寺樓

院臺

菴亭

觀軒

宮閣

殿宅

坵園

墓庄

卷之二十八

雜類志

祥異

仙釋

方技

拾遺

跋

高安縣志卷之首

宸章

雍正元年

御賜都察院左都御史朱軾母冷氏太夫人壽匾聯

淑範崇年

柏府清風貽令子

萱堂煦日慶遐齡

御賜都察院左都御史朱軾匾額

朝堂良佐

雍正四年

上諭大學士朱軾之母冷氏壺儀淑慎訓子成名今聞在籍病

高安縣志

卷首

一

故深可軫惻朕優禮大臣推恩賢母用頒異數以示眷懷著
江西巡撫裴率度動支司庫銀二千兩賞給伊家讀文致祭
一次祭文由翰林院撰擬其差往致祭之員若總兵官駐劄
相近則遣總兵官若相隔路遠則于兩司內派出一員俟朱
軾抵家之時舉行朱軾查勘水利事竣到京後著馳驛回籍
欽此

上諭大學士等大學士朱軾事親最孝朕所素知今伊母在籍
病故伊聞之自必哀痛切至但伊母年已八旬有餘伊祿養
顯揚俱無遺憾此時正當節抑哀痛護惜此身爲國家出力
盡忠正所以盡孝朕前已降諭旨賜銀二千兩爲伊母喪事
之費就近遣地方大員前往致祭今朱軾奔喪回籍朕深知

其家貧著再賜銀二千兩爲伊盤費一切之用其子亦令隨歸伊到家守孝百日將伊母之事料理完畢卽來京辦事爾等可傳諭朱軾知之欽此

上諭大學士等朱軾奏請解任開缺以終服制情詞迫切此乃伊名節所關朕知其出于至性誠懇允從所請解任開缺以全其志但三年爲期甚久卸事閒居在籍伊心亦未必自安況目前現有畿輔水利之事正資料理可于八月起身前來居住京師以備委任顧問不居現任之職則與家居無異于禮旣盡于心亦可安矣朱軾素性誠篤今遭母喪深恐其哀毀過節爾等可將朕意諄切諭之伊年高體弱不宜過于悲戚况六十不毀載在禮經若能仰體朕心時思朕訓護惜此高安縣志

卷首

二

身爲國家出力伊母有知亦必深慰斯爲忠孝兩全倘過哀以致毀瘠則有負朕恩矣爾等並傳諭膳房侍衛永壽攜茶飯往賜欽此

皇帝諭祭大學士朱軾之母冷氏之靈曰孝宏錫類恩光特賁於良臣典重飾終殊禮尤隆于賢母用頒祭醊以示眷懷爾大學士朱軾之母冷氏內則夙嫺壺儀素著篤生令子爲國輔弼荷渥澤之榮頒頻邀賚予膺崇封之晉錫足慰劬勞朕每因奏對之時垂問起居之節冀水綏夫眉壽萱庭之福佑彌長俾專効夫丹忱綸閣之贊襄益懋勤勞王事方著績於鹽梅眷望鄉閭遽銜哀於風木訃音入告軫惻良深錫公帑以治喪遣大僚而臨奠許乘驛騎歸奉几筵淑範遐齡信哀

榮之兼備揚名宣力嘉忠孝之兩全嗚呼體人子之至情恩均存歿昭國家之異數光煥絲綸靈其有知尙克歆享

雍正十年奉

硃批覽卿奏以積疴未痊暫瘳復起綸扉重地不可久曠懇請解退調養情詞肫切卿才具優長品行端謹老成練達勤敏和衷朕所深知正資倚任今偶患咳嗽之症自可從容調理待其痊可向來漢大學士多用二員現今閣中有大學士張廷玉蔣廷錫兩人辦理實無曠缺卿當頤養之時必須寬懷澄慮不以事物撓心自然藥餌有功漸次平復以慰朕之殷懷今若以久未入直仍慮及內閣職務雖矢心匪懈具見卿之惓誠而慮思紛縈殊有乖于調攝之道不惟非所以自愛

高安縣志

卷首

三

亦非所以仰體朕心之軫念也朕昨以卿抱病多時特遣內大臣前往看視聞卿于內大臣之前力疾叩謝禮數繁多甚覺勞頓次日清晨寒冷之時又來至宮門謝恩是轉增朕心之不安於義深爲未協朕知卿素性拘謹舉動備極小心是以近時以來一切飲饌服食之物未便頻頻頒賜正所以冀卿之安逸望卿之速痊也嗣後宜恪遵朕諭時加頤養導引中和節勞靜攝卽受朕恩賚亦免其拜跪始於病體爲宜卿年尙未甚老若調攝有方自能全愈爲朕宣力之處甚多此時不必以解退陳情用是特手書諭旨賜卿其悉朕惓惓之至意欽此

雍正十三年九月二十五日內閣抄出奉

上諭大學士朱軾在

皇考時宣力多年朕卽位以來總理事務敬慎周詳夙夜匪懈
今

皇考梓宮已安奉雍和宮辦理諸事俱屬妥協應加恩以示酬
庸之典著賞給拜他喇布勒哈番與伊子朱必坦承襲世襲
罔替欽此

乾隆元年奉

旨大學士朱軾品行端方學術醇正爲

聖祖簡用之人

皇考眷注有加簡任機務純修清德望重朝端朕自幼讀書宮
中常聞講論卽位以來正資老成襄贊昨聞抱恙沉篤朕親

高安縣志

卷首

四

往看視尙冀調治痊可今聞溘逝朕心深爲震悼特命輟朝
一日親臨祭奠以昭敬禮賢大臣之誼又兩賜內帑庫金經
理喪事茲覽遺疏拳拳吏治民生爲念具見忠悃著加贈太
傅入祀賢良祠所有應得卹典該部察例具奏

乾隆二年正月二十七日內閣奉

上諭據大學士朱軾之子朱必堦奏稱擇于二月十三日扶送
父襯由浙河歸里大學士朱軾柩襯起行之前一日著散秩
大臣一員帶領侍衛十員前往奠酒並於十三日送其起程
再令該部行文沿途地方文武官弁在二十里以內者俱至
襯弔奠並遣人護送俾長途安穩早抵故里其柩襯准入城
治喪欽此

御祭太傅朱軾文

皇帝諭祭太子太傅文華殿大學士兼吏部尙書世襲騎都尉加贈太傅諡文端朱軾之靈曰任隆密勿賴良弼以宣猷禮重老成眷前勝而賜卹緬儀型之久著陳奠醊以薦馨爾朱軾學術端醕器資凝厚早登詞苑蜚聲著作之庭旋宰花封奏最循良之績入雲司而讞獄平允攸稱出冰鑑以量才公明丕播特膺內擢洵尹陪京沛膏雨於棠陰澤流兩浙肅風霜于柏府憲總萬邦晉領銓衡掌邦典而官方攸叙簡司機務陟綸扉而調燮咸宜

先皇篤念公忠再任海塘重寄朕躬方資啟沃召還台袞崇班迨于積疚已深曾親視疾泊乎奄殂入告復往臨喪預頒內高安縣志 卷首 五 府之金俾營身後之事彝章備舉綸綍頻加於戲持一介之清操蕭然館舍遡平生之道範邈矣風規爾靈有知尙其來享

御製周易傳義合訂序

易之爲書以奇偶明陰陽之義以陰陽闡健順之德以卦爻該事物之變以易簡盡天下之理潔淨精微而廣大悉備天德王道一以貫之故曰易者五經之源也顧自漢魏以來考象變者泥於術數而不足以通幽明之故談義理者淪於空寂而不足以研倫物之幾至程子易傳朱子本義而義理象數始歸于一於是四聖人作易垂教之旨煥然復明於萬世我

皇祖聖祖仁皇帝御纂周易折中探源河洛直接心傳而總括
儒先首列程朱傳義者義經之樞鑰而易道之通津也故大
學士高安朱文端清修正學品重當代曩在講席啟沃良多
平生所學專於儀禮小戴記而易春秋周官亦旁及焉所著
傳義合訂一編探二子所以云之意發揮而引伸之簡而當
博而不支鈎深探頤而不鑿蓋玩之熟故擇言也精體之深
故析理也密可謂善言易矣文端以兩粵督臣鄂彌達舊爲
曹屬手授是書鄂彌達梓而傳之刻成進覽披閱之下當日
勤勤懇懇嘉惠來學之苦心恍乎若接不禁愴然爰援筆而
爲之序

乾隆三年

高安縣志

卷首

六

御祭太傅朱軾入祀賢良祠文

皇帝諭祭太子太傅文華殿大學士兼吏部尙書世襲騎都尉
加贈太傅諡文端朱軾之靈曰翊熙朝之泰運端重良臣稽
冊府之鴻猷宜崇元祀蓋成勞懋著生平之風規如存斯盛
烈昭垂奕世之寵褒益篤載申綸綍式薦牲醪爾原任大學
士朱軾器資端重學術深醇起自詞垣中外著廉明之譽游
登卿月封疆流仁愛之聲

皇考洞悉公忠晉台輔而恩榮彌渥朕躬久資講論迄諒陰而
倚毗方殷介節清操澹泊弗渝乎素志光風霽月老成不愧
乎名儒於戲流芳竹帛卓然一代之完人樹範岩廊允矣千
秋之茂典列豆籩於祠宇涯澤攸隆布筵几於里閭湛恩疊

沛靈其不昧尙克欽承

樂善堂文集

賜大學士朱軾書

士之特立獨行修身講學於草茅岩穴之中將以施之政事
爲廟堂棟梁之任也是故明君在上必求天下之英才待之
以禮煦之以和君臣同德相得益彰然後亮天工而熙庶績
堯舜之四岳九官湯之伊尹文武之周召皆君明臣良用成
熙皞之盛書曰百揆時叙又曰咸有一德詩曰濟濟多士文
王以甯豈不美哉三代下君臣相得之盛莫若唐太宗宋仁
宗房杜王魏韓范富歐皆爲名臣然致君於堯舜尙有歉焉
豈氣數之未至學問之未醇信任之未專歟若先生遭逢

高安縣志

卷首

七

盛代受知於

皇祖領中外要職開府兩浙內召長御史臺

皇父任以綸扉啟沃論思誠通志行豈惟特出班行雖古人際
遇亦鮮有倫比也

皇父命先生授經我兄弟得領誨益親函丈者四年于茲矣今
春先生奔太夫人喪甫及半載卽貽書相勉以學問日充德
業日粹天德王道交修並至之語深自思維頻加悚愧惟恐
不能勤學飭躬以慰先生之望雖然嘗聞于先生矣蓋天德
者格致誠正以修其身之謂也王道者均平齊治之謂也自
人受天之命莫不秉懿性以生但爲氣拘物蔽故天德泯而
王道無以行惟聖人主敬以立其本窮理以致其知反躬以

踐其實以修天德以行王道故家齊國治而天下平皆修吾
一身所致也堯克明峻德而協和萬邦舜濬哲文明而六府
三事允治孔子亦曰在明明德在新民顏子克己復禮而孔
子告之以爲邦之道此皆天德修而王道行故能爲天下大
聖後世法則人君用之則爲建中立極之本人臣行之則有
致君澤民之功學者習之則蘊之爲德行行之爲事業豈有
二道哉書曰非知之艱行之艱予受學于先生天德王道之
要道心人心危微之判日聞於耳庶幾知之矣先生之所以
勗我與吾之朝夕孜孜者其在踐行之實乎然荀卿有言莫
便乎近其人

皇父命先生治喪以期蓋緣古者諸侯既葬王政入於國之義

高安縣志

卷首

八

小祥之後望先生式遄其歸以輔成勲華之治庶幾先生德
業可爭光於唐宋諸賢而予亦得朝夕薰陶於有道也惟先
生鑒察不宣

壽大學士朱軾七十

節傍中秋近霞觴次第稱崧高神已降川至福應增道與時
偕顯身將世共登不妨介壽夕門第冷如冰

春日

賜大學士朱軾五十二韻

遲日山河麗青春風物妍皇州籠淑氣天宇燦祥烟景媚韶
華世人遊熙皞年先生方抱病靜室獨安眠當代窮經彥清
時守道賢事君欣際遇奉職佛仔肩

寵命登台輔鴻才掌選銓寅恭朝宁右弼亮

聖人前只此冰兢志那忘對命虔

皇情嘗有眷臣節總無偏早歲承綸綍成童授簡編芳規看表
帥函丈獲周旋義府優游永春風坐卧便賦詩閒檢韻味道
細烹泉每自威儀謹從知學問全董生醅治術朱子續心傳
十載如旬日高山復大川汲長難試綆質魯詎窺淵惟借開
陳力嘗資接引緣前途初省識往籍事精研方示尋鄒屐旋
招泛泗船高深終莫測言象未志筌竊意精神固何期衰病
連道存看潤貌身老惜華顛解習安心法參明樂性禪三年
常痲疾晚歲每迍邐更受

宸衷注頻蒙

高安縣志

卷首

九

恩旨宣賜醫經歲月賚食列甘鮮幾度秋梧落經時春草芊尊
生資攝理養靜悟魚鳶入臘魔纔退頻年疾稍痊經帷常一
遇日暮薄言旋早識文如斗新叨筆似椽風披重幙外晴照
綺窻邊坐久添光霽來頻領蕙荃如何新歲到轉覺舊疣牽
呼僕長扃戶飛花未撲羶竹爐朝自焙湯劑晚仍煎消悶憑
書籍無心託管絃神清依素几守寂坐麓氈未及頒春俸應
勞買藥錢東皇今布令黑帝久收權坦履宜悠爾沈疴定霍
然追隨私念切趨步寸心懸况乃須調鼎方看用作肱時平
交正泰君道健如乾宣力疇堪並陳猷未或先陽和敷化國
膏澤被王田何日趨朝陛多時隔講筵裁詩羞未穩有暇賜
雕鐫

秋日

賜大學士朱軾

新涼初到北窗清
聞道先生體漸平
漫說春風違坐卧
應教霽月仰澄明
草長書帶堦前思
秋老荷衣檻外情
遙憶匡牀閒夢蝶
懶聞蟋蟀一聲聲

賜題朱賢女傳

卓哉朱氏賢女子
柏舟矢志志不徙
蔡公獨展大手筆
質言傳紀書盈紙
窈窕少長相
公家笄年禮聘許
適李李未婚姻
中道捐女乃慟哭
爺前跪兒已命
字不可移兒未成
婦不可死權衡生死
兩塗間兒惟自盡
兒心耳江頭秋冷
水無波市中火煽
房不燬貞心幸託
蔡公傳傳存人亦
歸蒿里伊余耳

高安縣志

卷首

十

聞此事熟幾年
宛轉詩腸裏
今朝檢得作題詞
題成凜凜秋風起

賜大學士朱軾奉

命往浙督修海塘

帆掛扁舟野水明
吳頭楚尾正秋晴
思通鎔鐵奇謀著
政味甘棠喜氣迎
軾曾爲浙撫寥寂遠天迷
去路蕭疎寒柳繫
離情遙知賜騎旋歸日

帝里三春色正榮

乾隆四十三年

御製憶舊詩

皇考選朝臣授業我兄弟
四人胥宿儒徐朱及張嵇
設席

懋勤殿

命行拜師禮其三時去來可亭則恒矣時已熟經文每爲闡經旨漢則稱賈董宋惟宗五子恒云不在言惟在行而已如坐春風中十三年迅耳先生抱病深

命輿親往視未肯意拖紳迎謁仍鞠臆始終弗踰敬啟手何殊爾嗚呼於先生吾得學之體

嘉慶四年二月二十九日奉

上諭原任大學士朱軾孫家淦居官清正其子孫現無出仕之人着傳諭伯璘張誠基查明朱軾孫家淦嫡派子孫擇其人尙明白者送部帶領引


見將此各傳諭知之欽此

繪圖

高安縣志

繪圖


北鄉山川鄉都圖






高安縣志

繪圖



南北鄉合圖


界建新




高安縣志

繪圖

五



縣治八景圖




高安縣志

繪圖

六





高安縣志

繪圖

高安縣山川形勢圖說

繪圖引

地理形勢之說見於詩書如周公營洛文公從邱其大較也故自畿甸而省會而府郡州邑莫不有形勢可紀卽莫不有形勢可圖高安爲瑞郡首邑歐公稱爲衣被雲錦絕勝聞於天下惜舊志無圖今特繪出而市井里居郵傳驛舍星布於山谷川澤間者披圖而了然在目但圖以設象有象無文山川之脈絡未明山州之情態未露此圖旣繪圖說所以繼作也

江右贛河以西諸郡皆發脈於靈山瑞環五百里稽來脈瑞之高安與吉袁臨同脈其水發源于株樹潭與萬載上高新昌同源然遠不勝紀就縣治百餘里詳其脈絡焉縣治脈起

高安縣志

卷首

圖說

一

西北界鄰新昌奉新由枯竹均轉入羣峯東趨獨聳雲瑞曰高胡壇此則高邑之第一山祖也壇左側而下過白水嶺經觀音堂過峽起白鶴壇亦左側而下由雲門轟四尖峯上華林山勢綿亘高大書所謂一方都權星祖山不足言矣左肩出爲呀口石仙女寨大獲嶺流入馮川山環六十里而遙殆我邑北隅之保障歟穿心出爲主嶺西奔逆起李家嶺高大挿天頓伏起閃三十餘里殆又吾邑貼身西障也由主嶺貫中而南大斷上鳳嶺再南而降落平陽盤旋數里特聳龍珠嶺發脈爲三枝西枝顧祖而出爲三寶嶺余博嶺至仙姑嶺穿成炎天火星若青石崗若臺峯若坡山若社山雲崗皆仙嶺的派中枝由藕唐嶺走蕭坊轉南山諸麓洞極拱夾擁從

蘇溪而外斜溪黃溪合會于梅口東枝出爲以易山趨縣治懸崖峭石遠望以易字畫高插雲表實天然奇文自是下院嶺迢迢東震出陡嶺歷溪落鰲峯墩平地鋪氈杳無踪跡漸起平崗里許上鐘鼓嶺過短竹均逆起出磬嶺一枝自北而南作縣治一枝自南而北爲淨因嶺再逆出爲南北嶺又東出甘棠嶺過馬蹄均作小米嶺起大米嶺落銅鼓嶺哨馬嶺蟻子觀止于縣下之象山山紆水迴而內關以固其自北而南作縣治者大頓小伏到古樓星成聚講直上杭源開大帳西出岐嶺東出雷王嶺奔長崗峻盡于昌陂之橋西腰嶺落爲縣脈過巷口小阜下平均至楊柳崗轉白石崗五馬山夾于左龍王廟夾于右中行若斷若續脈絡相連至貼市堆進

高安縣志

卷首

圖說

二

阜城門之右突起高阜先爲五龍崗作府學及城隍祠後爲碧落山作府治由府治後峙直下進龍池渡脈而縣基以奠其餘枝作下關者更由米嶺東出走烏雲赴尖峯歷巒崗盡于菴前渡之牛頭崗長溪婉轉而爲縣治第二關又東出爲虬嶺轉招山起雷王嶺與建嶺對峙內有溪曰農溪自新建來沂流四十里而爲縣治第三關此皆縣治以北之形勢也若夫縣治以南遠則客山與主山同派近則由蒙末而來經上高抵伏山至高安之龍城旺氣鍾爲腰落其北一枝由南嶺遞趨雞公嶺左遼山右石嶺夾出犁牛峯又南奔牛毛嶺起鈞山過桃樹峽上黃金城疊起荷山下楓嶺而清潭而雞骨馬鞍諸嶺勢若長城一氣奔騰建嶺卓拔而高鎮于水口

之間自雞嶺以下山脊迭起水分南北水以南遙望局勢百里其間星羅碁布散而爲茅山爲畚山爲南排秀峯鄒公馬嶺等山又別爲祖師小華諸山其南流奔滙則由龍城而上部而曲水而灃港會真人橋諸溪轉牛鼻嘴羣會潦澍口而東達於章貢總括水南局勢大約高安首西昌末中邊則劍邑環繞而清江亦附焉至分水以北距河不下三十里然局窄而齊整嶂濶而長大荷嶺上下曦山左羅仙堆右峙其間名門右族代有偉人然皆旁結側落惟中腰楓嶺脈出錦江城正承正受羣隴衆枝夾落平崗出東崗腦剝換爲平湖逆流而上趨橫塘縱橫曼衍茫無垠際于沙崗崩洪渡峽再逆流而至甘露亭崩洪再渡起仰山廟及青田束爲田峽峽內

高安縣志

卷首

圖說

三

偷出子氣一枝進高明門若一字三灣成蘆鞭上格顧祖而回結明吳宗伯之基址形局爲最勝焉過此由南石橋透回環錦水上下坊起白鶴山婉轉仁濟門盡於朝陽門之株橋大小川中有市河東西分流垣內烟火萬家人文雲集貨財交錯此則南城之勝概也而縣治以南之形勢盡焉由是南北連城錦江襟帶賓有環衛向侍之象主有拱揖回顧之情中流砥柱有鮎洲劍灘之險水口捍門有雷嶺建嶺之峙建口外南北交牙如獅如象如鼓如屏如天馬疊關疊鎮數十里以赴章江者不可勝紀則高安羅城之完水口之密誠有歷歷可指者作圖說而圖象愈了然矣

邑副貢何識定著